



USAID
OD AMERIČKOG NARODA

BOSNA I HERCEGOVINA


PROGRAMSKI BILTEN

Novembar 2006. - Januar 2007.



Zana Perla (lijevo) provjerava status svog predmeta na Općinskom sudu Sarajevo

Počeci USAID-a



Kako je osnovana agencija za međunarodnu pomoć

Strana 4

Pravda koja stiže kasno je kao osporena pravda

Reforme suda koriste građanima i privlače investitore

Kada je Zana Perla otišla u Općinski sud Sarajevo kako bi provjerila stanje svog predmeta na sudu, dala je službeniku broj predmeta i sve to obavila za par minuta. „Ovo je bilo brzo i efikasno“, kaže Zana. „Sada, kada god želim, mogu na jednostavan način da pratim dokumentaciju i tok predmeta“. Kašnjenje i veliki broj predmeta godinama su stvarali probleme bh. sudovima. Ali, nedavne reforme sudske administracije dramatično su poboljšale njihovu efikasnost i transparentnost. Na primjer, USAID-ov Projekat unapređenja okruženja pogodnog za investitore i kreditore (FILE) kreirao je kompjuterizirani sistem za upravljanje predmetima (CMS), pomoću kojeg se svakom predmetu daje jedinstven broj koji u centralnoj bazi podataka povezuje

svu dokumentaciju o tom predmetu. Dokumenta predmeta su ranije zaprimana pod različitim brojevima na različitim lokacijama, a uvid u tu dokumentaciju je sudijama oduzi-



Sudovi su bili pretrpani zaostalim slučajevima

mao mnogo vremena. Novi sistem jednostavnim pritiskom na tipku omogućava sudijama i uposlenicima suda trenutani pristup svim informacijama koje se odnose na određeni

predmet. Projekat FILE je blisko saradivao sa uposlenicima u šest pilot sudova kako bi se više od 90.000 predmeta unijelo u bazu podataka CMS-a. Projekat FILE je nedavno završen, ali USAID-ov projekat JSDP nastavlja aktivnosti na unapređenju sudske administracije. JSDP je uveo sistem obilježavanja brojevima u još 11 model sudova širom BiH. Ovaj sistem pomaže i kod planova za smanjenje zaostalih predmeta, adaptiranja sudskog prostora kako bi bio više na usluzi građanima, kao i kod uvođenja bar koda kod čuvanja predmeta u papirnim omotima. Postignuti su izvanredni rezultati. Okružni sud u Banja Luci smanjio je broj zaostalih predmeta za 45 posto za samo godinu dana. U Općinskom sudu u Zenici zabilježeno je smanjenje vremena potrebnog za obradu predmeta od 34 posto. Ove reforme koriste građanima, a investitori su primijetili da su troškovi i rizici poslovanja u BiH smanjeni. USAID je zadovoljan što je Visoko sudsko tužilačko vijeće BiH prihvatilo reforme i počelo ih primjenjivati na ostalim sudovima širom BiH.